

0 10 20 30 40 50 60 70 80 90 100 110 120

傳676.41


867.1

21-4

Model Color Control Patch

3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26

2  
3  
4  
5  
6  
7  
8  
9  
10



顧亭林集

冊 卷 51544

顧亭林先生年譜

顧亭林  
率譜

...

輿亭林年譜

即始要學識時世亦無他後九主之入皆謂  
經料定其為先生種天年譜入之曰夫我  
何者其故年譜已寫自左本其何年  
才應有上元兩明經年譜所載亦用  
天啓為甲辰本之誤以庚辰為甲辰而  
之先生撫子所傳也徐天啟甲辰年譜  
是後乃不自檢校此而之徐天啟年譜

謹案 本朝學業之盛亭林先生實牖啓之而洞古今  
明治要學識咳貫卒亦無能及先生之大者聞桐城胡  
篚君虔嘗爲先生撰次年譜惜未之見大興徐文松鉤  
稽各書依年排纂已寫有定本會何太史紹基自金陵  
來攜有上元車明經守謙號秋所輯譜互用勸校車氏  
差詳蓋車氏本之崑山吳廣文映奎號銀而吳氏又本  
之先生撫子衍生也徐文欲更事釐訂以出守榆林未  
遑穆乃不自揆度比而敘之綜兩譜之異同究大賢之  
景行先生者尙其有攷於斯道光二十三年

五月朔日平定後學張穆記

顧亭林先生年譜卷一

後學平定張穆編



明萬曆四十一年癸丑五月二十八日先生生

先生初名絳更名繼紳後仍名絳字忠清

元譜 絳復社姓

氏崑山弟六人 顧絳字忠清

乙酉後更名炎武

徐譜閩百詩與劉超宗書作炎午穆

案山東通志采先生文亦作炎午

字甯人學者稱亭林先生

元譜華亭東南

居此修輿地志因以為名其地今為寶雲寺 穆案輿地紀勝嘉興府古蹟有顧亭湖在華亭縣南三十里舊經云黃門侍郎顧野王居此無林字又海鹽縣東有顧林亭有陳顧野王讀書堆東坡顧林亭詩云平林豈舊物歲晚室扶疏云云唐詢詩云平林標

大道曾是野王居云云宋輝詩云昔時高士宅今日  
梵王居云云林亭字凡兩見皆不作亭林然據下所  
引東坡詩云平林豈舊物唐詢詩云平林標大道似  
平華亭海鹽兩縣境內皆有一亭因野王納稱瀕水  
則曰顧亭湖傍樹則曰顧亭林傳鈔誤倒作林亭爾  
近志於湖上竝增林字亦誤也至宋輝梵王居云云  
則又與華亭之寶雲寺其事適同不知輝即指華亭  
故蹟而象之誤繫之海鹽下否 又案宋嘉祐六年  
法雲寺重修大殿記第一行題云大宋秀州華亭縣  
顧亭林法雲寺重修大殿記此顧亭林三字之見於  
石刻 又嘗稱名曰圭年 元譜康熙中題吳縣李灌溪  
者 待御詩署名曰圭年謙案歛  
孝廉程易疇瑤田云嘗見萬年少自跋所作秋江別  
思圖送先生由淮陰渡江歸唐市謂顧子名圭年自  
云余再轉注 亦或署蔣山傭 後更名神烈山先生嘗  
而得此名 穆案江藩漢學師承記庚寅有怨家  
僑居山下也 欲陷之偽作商賈變姓名為蔣山傭又鄉平縣志前

列修志姓氏有顧傭字甯人崑山人同時 顧氏系出  
較編疑傭即傭字之譌亦或單署曰傭也

吳郡五代之際徙滁州南宋時有名慶者自滁徙海

門之姚劉沙 見先生顧氏譜系攷姚劉沙自注今崇  
明縣 又鈔書自序炎武之先家海上

世為 慶次子伯善又徙崑山遂為崑山縣人世居縣

之花蒲保 譜系攷崑山縣之二十四保地 後徙千墩  
名花蒲自注今太倉州六都

元譜崑山縣之千墩人謙案崑新合志千墩在城東  
南三十六里泖川鄉 徐譜先生家與徐健庵比鄰

見憺園集舅母朱孺人壽序穆案蘇州府志崑山縣  
第宅園林內載妙喜園在西關外金童橋北初為嚴

氏園徐坦齋營為別墅荷池竹圃踞西郊之勝徐乾  
學宅在半山橋西堂曰冠山堂復構傳是樓聚書其

中宅後有園曰憺園又有遂園在馬鞍山北麓徐秉  
義第在富春橋西有培林堂徐元文宅在半山橋東

塘內有含經堂園中有古樟一株因名得樹園蓋徐氏鼎貴後父子兄弟各營第宅不復與顧氏為鄰矣厥後健庵兄弟欲迎先生南歸以別業居之殆指金童園亭歟

自慶而下十二世至明正德間曰南京工科給事中廣東按察使司僉事

溱譜系攷溱字梁卿號小涇刑科給事中濟譜系攷正德庚午舉人辛巳進士

卿號思軒正德丙子舉人丁丑進士歷官行人刑科給事中何紹基案類姓登科攷於顧溱注崑山縣

人顧濟顧章志顧紹芳皆注太倉州人穆案鈔書自序先高祖為給事中當正德之末又衍生繕寫書

目有思軒公諫垣疏一卷又蘇州府志給事中顧濟第在崑山縣尚書浦西蔣涇刑科生兵

部侍郎章志譜系攷章志字子行號觀海嘉靖丙午舉人癸丑進士歷官行人司副行人司正刑部員外郎中江西饒州府知府湖廣廣西按察司副使貴州布政司參政貴州山東按察司按

察使南京光祿寺卿應天府尹南京兵部右侍郎贈都察院右都御史徐譜南京朝天宮後有侍郎公

祠又日知錄云余家有嘉靖年買地契蓋在侍郎公時又浯溪碑歌序云萬歷元年先曾祖官廣西按

察副使穆按衍生繕寫書目有觀海公船政疏一卷又車譜云章志字行之據譜系攷作子行當是車

誤又鈔書自序嘉靖間家道中落先曾祖繼起為行人使嶺表而倭關入江東郡邑所藏之書與其室廬

俱焚無孑遺焉洎萬歷初而先曾祖歷官至兵部侍郎中間歷方鎮三四清介之操雖一錢不以取諸官

而性獨嗜書往往出俸購之侍郎生左贊善紹芳譜系攷紹芳字實甫號學海萬

歷丙子舉人丁丑進士翰林院簡討經筵日講官左春坊左贊善兼翰林院編修管理制誥贈左春坊左

庶子車譜紹芳選庶吉士移疾歸起補檢討父喪服除進經筵日講官遷左贊善後移疾歸不兩年卒

年四十七穆案鈔書自序祖贊善公文集至數百篇衍生繕寫書目有學海公寶庵集十二卷靜志居

詩話實甫工於五律不露新穎矜鍊以出之頗有近  
 於孟襄陽高蘇門者又王世貞作紀遠近交游四十  
 詠紹芳其一也蘇州府志崑山縣有**及國子生紹芾**  
 遺清堂在柴巷內宮贊顧紹芳所居  
 譜系攷紹芾字德甫號蠡源生員增例入國子監  
 車譜紹芾天才俊逸工詩古文奇奧秀拔在太白長  
 吉間尤善書法為董香光稱許詳見崑新合志 穆  
 案紹芾又號夢庵見愴園集又先生三朝紀事闕文  
 序臣祖生於饒州官舍隨臣曾祖之官廣西山東南  
 京一切典故悉諳而當日門戶與攻門戶之人兩黨  
 之魁皆與之游臣祖年七十餘矣足不出戶猶日夜  
 念廟堂不置閱邸報輒手錄成帙細字草書一紙至  
 二千餘字自萬歷四十八年至崇禎七年九月共二  
 十五帙又鈔書自序先祖書法蓋通唐人性豪邁不  
 羣然自言少時日課鈔古書**贊善生官廕生同應**  
 數紙今散亡之餘猶數十帙  
 攷紹芳子二長曰同德生員次曰同應字仲從廩生  
 萬歷乙卯戊午副榜恩廕入國子監 穆案同應又

字賓瑤見愴園集曰公清修篤學負東南重望蘇州  
 府志文苑門同應生十歲而孤哀毀如成人長而穎  
 敏好學精舉子業工詩文為諸生七試不售兩中副  
 榜卒年四十二性闊達家雖貧好施與卒之日戚友  
 哭之幾於罷市所著有藥房秋嘯等集明詩綜引王  
 平仲語云仲從詩詞澹意遠有白雲自出山泉泠然  
 之**娶何氏** 穆案愴園集先妣顧太夫人行述曰母何  
 致 夫人淹洽書史為女工師舅母朱孺人壽  
 序曰何夫人性嚴重嘗竟日不言獨愛讀書又曰自  
 外祖賓瑤公未仕捐館外祖母以未亡人支持門戶  
 茶苦百端家兄字若詩集序 **同應之子五先生其仲**  
 外王母何夫人知書有識鑒  
**也** 穆案同應五子長曰緇字退篆次即先生次曰紆  
 字子嚴次曰纘字子叟次不知其名字子武先生  
 一女兒一女弟皆嬪於徐女兄生履忱女弟生健庵  
 兄弟又一女兒嫁陳皇土濟生健庵寄皇士太僕詩  
 注太僕夫人余從母也是也然元譜稱健庵太夫人  
 為先生弟五妹又有仲姊適馬氏則女兄弟之可考

者亦四 紹芾生同吉早卒 元譜謙案同吉字仲逢崑新合志謂其早卒無子產

頗聘王氏未婚守節撫先生為嗣 徐譜貞孝之歸顧當在萬曆二十九

年辛丑其年貞孝十六歲 車譜貞孝太僕寺卿宇孫女諸生述女事載明史本傳及餘集先妣王碩人

狀行

四十三年乙卯三歲

先生患痘頗危及脫痂左目為眇 元譜謙案全謝山神道表謂先生雙

瞳子中白而邊黑見者異之不言眇也或有雲翳未可知弟元譜係衍生所作不應有誤故仍之

是年本生父賓瑤公中式副榜 元譜 知縣陳君祖苞

拜於貞孝之廬 穆據行狀補進士履歷便覽祖苞字令威海鹽人萬曆癸丑進士歷官

順天巡撫明史附顏繼祖傳

四十四年丙辰四歲

七月先生第五妹生 穆補 詹園集先妣行述吾母生於萬曆丙辰七月二十八日

未時

四十六年戊午六歲

春白氣亘天自東而北 元譜 穆案三朝紀事闕文序自臣母授臣大學之年而東方

兵起白氣亘天明 夏四月 年三月覆軍殺將

大清兵克撫順七月克清河堡 徐譜

貞孝以大學授先生 元譜 賓瑤公鄉試又中副榜 徐譜

冬十一月蠡源公配李碩人卒

元譜 穆案碩人有兄名箕見先生

所作先  
妣行狀

四十七年己未七歲

二月經略楊鎬誓師於遼陽總兵官李如柏杜松劉綎

馬林分道出塞三月甲申杜松遇

大清兵於吉林崖戰死乙酉馬林兵敗於斐芬山兵備

僉事潘宗顏戰死庚寅劉綎深入阿布達里岡戰死六

月

大清兵克開原馬林敗沒

徐譜

先生就塾

元譜 徐譜曰知錄云愚幼時四書本經俱讀全注

四十八年庚申八歲

秋七月神宗崩光宗立甫一月崩熹宗立時朝議欲以

明年為泰昌元年左光斗請以七月以前為萬曆四十

八年八月以後為泰昌元年從之

元譜

本生母弟紆子嚴生

元譜謙案崑新合志紆字子嚴司應弟三子少負經濟才明亡

後絕意仕進隱居千墩舊廬居喪哭過哀目遂盲秉性耿介兄炎武講學秦晉間屢徵不起紆寓書益相砥礪甥徐乾學兄弟勢望方隆紆獨養高自重華陰王宏撰稱其閭修於不見不聞之地不愧隱君子

天啟元年辛酉九歲

三月

大清兵取瀋陽遼陽徐譜

先生讀周易元譜季弟纘子受生徐譜案子受妻朱氏健庵有舅母朱

孺人壽序

二年壬戌十歲

正月

大清兵破西平堡取廣寧徐譜

蠡源公命先生讀古兵法家孫子吳子諸書及左傳國

語國策史記元譜穆案三朝紀事闕文序天啟初元遼陽陷奢崇明安邦彥並反其明年

廣寧陷山東白蓮教妖民作亂一日臣祖指庭中草根謂臣曰爾他日得食此幸矣遂命之讀古兵法家孫子吳子諸書及左傳國語戰國策史記

先生程正夫詩序余自少時侍於先王父其終日言

而無擇者皆祖考之世德鄉先生之行事徐譜

三年癸亥十一歲

蠡源公以資治通鑒授先生元譜穆案鈔書自序先祖自炎武十一歲即

授之以溫公資治通鑒曰世人多習綱目余所不取凡作書者莫病乎其以前人之書改竄而為自作也

穆案先生所作先妣行狀吾母居別室中晝則紡績

夜觀書至二更乃息尤好觀史記通鑒及本朝政紀

諸書而於劉文成方忠烈于忠肅諸人事自炎武十數歲時即舉以教

四年甲子十二歲

始習科舉文字

元譜 穆案三朝紀事闕文序臣祖故所與往來老人謂臣祖曰此兒頗慧何不令習帖括乃為是闊遠者乎於是令習科舉文字已遂得為諸生

五年乙丑十三歲

時有納穀寄學之例蠡源公以先生天資穎異合早

取科名遂為先生應例

元譜謙案明時寄學亦經提學考取歲試後準作附生

六年丙寅十四歲

讀通鑒畢讀書詩春秋

麻城周提學邦基取入本

學二十二名庠名繼紳

元譜先生入學在十三歲謙案先生撰寇公墓志謂天啟

六年寇公為蘇州知府某年十四以童子見公被一言之弊云云則入學當是十四

入復社

有名

徐譜常熟王峻次山作先生傳年十四為諸生人復社有名松案吳應箕所編復社姓氏目錄

先生居降服憂

元譜

先生荅徐公肅書云幼時侍先祖自十三四歲讀資

治通鑒後即示之以邸報

徐譜

崇禎元年戊辰十六歲

陝西饑流賊大起徐譜

歲試惠安陳提學保泰未發落卽告病去祇取賞卷

蔡復襄以下十二人先生未與元譜

先生與潘次耕書云自庚申至戊辰邸報皆曾寓目

徐譜

穆案三朝紀事闕文序先帝卽位天下翕然以爲中

興更化之主無復向時危迫之意又當先帝頒孝經

小學釐正文字之日臣乃獨好五經及宋人性理書

而臣祖乃更誨之以爲士當求實學凡天文地理兵

農水土及一代興革之故不可不熟究

三年庚午十八歲

六月流賊陷府谷徐譜

六月科試上虞李提學懋芳拔先生卷列一等二十

名元譜

是年先生當應鄉試日知錄載是年應天鄉試題舉

直錯諸枉能使枉者直以媚奄諸臣初定逆案也徐譜

穆案是年先生弟五妹歸同邑太僕少卿徐君應聘

之孫開法

應聘萬曆癸未進士翰林院檢討開法字茲念號坦齋恩貢生時年十七

四年辛未十九歲

八月

大清兵圍大凌城閏十一月登州游擊孔有德反

徐譜

二月歲試李提學連任先生卷列一等十一名仍更

名絳

元配太倉王孺人來歸

元譜

是年甥徐乾學生

徐譜乾學字原一號健庵官至刑部尚書

五年壬申二十歲

正月孔有德陷登州九月流賊連陷山西州縣

徐譜

三月歲試鄰水甘提學學潤拔先生卷列一等十四

名元

元譜

六年癸酉二十一歲

二月流賊犯畿南河北七月

大清兵取旅順十一月流賊渡河陷澠池諸縣分掠南

陽汝寧遂犯湖廣

徐譜

正月科試甘提學連任先生名列三等

元譜

本生母

兄緡遐篆中式順天舉人

元譜謙案崑新合志緡天才俊逸世傳其兩京賦埒

平子時務策比長沙年未四十卒徐譜緡以天下多故好言兵事舉鄉試一上公車而卒見健庵舅母

朱孺人壽序細有同年長沙陶汝鼐見先生楚僧元  
瑛談三十年來事詩注 穆案靜志居詩話陶汝鼐  
字仲調壯歲好游自吳入越晚際  
他離出監軍事捍禦鄉邦有力

是年甥徐秉義生 徐譜秉義字彥和號  
果亭官至內閣學士

七年甲戌二十二歲

正月賊自鄖陽渡漢連陷紫陽平利二月陷夔州六月

賊降復叛陷所過州縣七月

大清兵入上方堡至宣府十一月賊自陝西分犯河南

江北湖廣 徐譜

巡按御史祁君彪佳表於貞孝之門 穆據行狀確  
彪佳字宏吉浙

江山陰人  
明史有傳

是年甥徐元文生 徐譜元文字公肅號立  
齋官至文華殿大學士

八年乙亥二十三歲

正月賊陷鳳陽六月賊復走陝西七月賊復東犯十一

月賊陷陝州攻洛陽 徐譜

六月歲試上虞倪提學元珙置先生卷二等 元譜

九年丙子二十四歲

五月賊復入陝七月

大清兵入塞八月東歸 徐譜

六月科試倪提學連任置先生卷二等元譜

是年先生當應鄉試日知錄載是年應天鄉試春秋

題宋公入曹以曹伯陽歸先生譏其以公孫疆比陳

啟新曹伯陽比思陵非所宜言大不敬徐譜

巡按御史王君一鶚具題貞孝事狀奏旌其門報可

元譜謙案貞孝受旌在九年見先生康熙十八年與史館諸公書縣志亦同元譜列入十年誤

穆案先生所作先妣行狀貞孝請旌之歲已齒文會

知名且十年

十一年戊寅二十六歲

九月

大清兵入塞徐譜

二月歲試濰元提學煒置先生卷三等 十二月科

試元提學連任仍置三等元譜

穆案是年冬蘇州府承天寺浚井得宋鄭所南所藏

心史鐵函巡撫張國維刻其書又為所南立祠堂詳

見先生所作井中心史歌序閻潛邱曰有偽書出近代佐證分明苟一言及

輒譁然起被以大不韙之名且以甯可信其有者莫過史彬之致身錄鄭所南之心史一為史兆斗所撰

一為姚士舜所撰前說余徵諸牧齋後說聞諸曹秋岳云又與公肅甥書憶昔時

邸報至崇禎十一年方有活版自此以前竝是寫本  
十二年己卯二十七歲

正月

大清兵入濟南德王由樞被執二月

大清兵北歸徐譜

七月城固張提學鳳翮覆試科舉先生取遺才二等

元譜

先生撰肇域志始於是年見自序又郡國利病書序

云崇禎己卯秋闈被擯退而讀書徐譜

十三年庚辰二十八歲

九月張獻忠陷劍州徐譜

四月邑中修葺文廟先生與葉秀才奔荃歸秀才莊

重新兩廡木主而正其位次元譜謙案崑新合志奔

諸生入太學性剛直好義工詩古文詞師事劉宗周  
徐石麒陳龍正講求性命之學尤究心邑政利弊乙  
酉夏以父權杭州關遇國變藝星往省還至嘉善為  
亂民所裁覓其尸不得以衣冠葬之莊字元恭為諸  
生博涉羣書乙酉後亡命薙髮僧裝稱普明頭陀後  
乃廬金潼里先墓側生平最善顧炎武以博雅獨行  
相推許而俱不諧於俗有歸奇顧怪之目 彥案先  
生書孔廟兩廡位次攷後歸生名莊更名祚明工草  
隸為東 十二月歲試張提學連任置先生卷二等  
吳高士

元譜

先生答徐公肅書憶昔庚辰辛巳之間國步阨危方州瓦解而老成碩彥品節矯然下多折檻之陳上有轉圜之聽思賈誼之言每聞於諭旨京宏羊之論屢

見於封章徐譜

十四年辛巳二十九歲

正月李自成陷河南殺福王常洵遂犯汝州城陷知州錢祚徵不屈死張獻忠陷襄陽殺襄王翊銘十一月李自成陷南陽殺唐王聿錞徐譜是年大旱元譜

二月蠡源公卒先生居承重憂元譜穆案三朝紀事闕文序臣祖父某

年五十一而始抱臣炎武為孫先妣行狀貞孝請旌之歲先王父年七十有四則蠡源公之卒也年七十

九矣十月葬蠡源公及元配周碩人繼配李碩人於

司馬賜塋之穆位元譜將葬既祖奠火作於門里人救

之得息徐譜按健庵作舅母朱孺人壽序述此事云家難復作室廬失火被焚

十五年壬午三十歲

二月

大清兵克松山下錦州五月張獻忠陷廬州九月李自

成決河灌開封城陷十一月

大清兵入薊州連下畿南山東州縣徐譜

兄遐篆卒弟子叟生子洪善嗣遐篆後元譜記遐篆卒於順治十年

一年甲午穆案遐篆中式崇禎六年癸酉舉人健庵稱遐篆舉鄉試一上公車而卒歸元恭送先生北游序稱崇禎之末祖父蠡源先生暨兄孝廉捐館健庵為顧氏甥元恭與先生總角至交皆不當有誤又崑新合志稱遐篆年未四十卒若卒於甲午則先生之年且四十有二矣推尊其故元譜蓋譌歲壬午為歲甲午耳今為刪正即以子叟生子洪善之年為遐篆溘逝之年與各書所言乃一一符合也 謙案洪善字達夫號柏亭康熙丙辰進士官中書年未四十卒

十六年癸未三十一歲

正月李自成陷承天五月張獻忠陷武昌八月陷湖廣

諸郡十月李自成破潼關遂陷西安延安諸郡徐譜

夏釋承重服循例入成均元譜案例貢自萬歷間始子叟生次

子洪泰元譜穆案健庵舅母朱孺人壽序教二子達夫來白皆有聲鄉校來白當即洪泰之字

蓋亦諸生矣

先生謫觚序僕自三十以後讀經史輒有所筆記徐譜

十七年甲申十月朔為

大清順治元年三十二歲

正月張獻忠寇四川二月李自成陷太原遣別將犯畿

南陷真定李自成陷寧武關三月陷京師徐譜十九日明

莊烈帝崩於宮中萬壽山巾帽局

元譜謙案陳濟生再  
生紀略謂在山之紅

閣御元色鑲邊白縣綱半  
臂紅閣蓋建以復內操者

四月二十九日李賊西走五

月三日

王師入睿親王攝政

元譜恭案  
甫七齡駐

世祖章皇帝時  
蹕盛京九月入關十

月朔御極  
定鼎京師

是月初一日明鳳陽總督馬士英等迎立

嗣福王由崧於南都仍稱崇禎十七年以明年乙酉為

宏光元年

元譜

四月先生率家人侍母遷居常熟之唐市

元譜謙案  
常昭合志

唐市舊名尤涇在雙鳳鄉去縣  
東南三十里又東南則崑山界

十月歸于墩被劫

二月復遷居常熟之語濂涇

元譜謙案常昭合志語  
濂涇黃涇東北入尤涇

穆案先生撰先妣行狀兵人南京炎武奉母僑居  
常熟之語濂涇介兩縣之間又從叔父穆庵行狀語  
濂涇去于墩八十餘里又瞻園集兄孚若詩集序舅  
氏亭林先生避兵常熟之窮村兄往依之朝夕討論  
故詩曰益工 又案望雲樓帖刻先生手札云醉德  
無何忽云改歲兄今其脫然愈乎弟則馬學士所云  
百憂熏心三冬少暇往日之舉犯而不校逆獸已無  
所用其焦然今乃黑夜令人縱火焚佃屋一所弟既  
蕩無一椽僕輩亦瞻烏靡集夫行強雖武士之恆談  
火攻則兵家之下策况於臨池之畏實為扇煽之謀  
包藏禍心日甚一日公宮之火先告於寺入陵門之  
戟首誅乎元濟燎原之惡已盈自焚之禍行及布諸  
左右憑楮槍然元恭仁兄足下弟絳頓首所云黑夜  
縱火不知即指于墩被劫事否時尙未更名炎武則  
與葉方恆構費一案無涉

崑山令楊君永言應南

都詔列薦先生名於行朝詔用為兵部司務元譜永言字琴

立昆明人崇禎癸未進士崑城破後走陳墓詞事彌月知不可為復入黃浦依吳帥吳敗祝髮珠涇萬壽庵中釋名懶雲旋入中峯後入金華歸滇卒勝朝殉節錄稱其殉乙酉之難追諡忠節誤

先生編年詩起是年有大行哀詩一首感事詩六

首徐譜按感事詩云日角膺符早天枝主鬯臨安危宗社計擁立大臣心謂南都擁立福王之事

其年四月乙酉魏國公徐宏基等迎福王於江浦丁亥百官迎見王素服角帶哭五月庚寅王行告

天禮升殿徐宏基跪進監國之寶王受訖大赦戊戌羣臣勸進箋三上王許之壬寅即皇帝位改元

宏光先生詩所謂告天傳玉冊哭廟見諸侯詔令屯雷動恩波解澤流也詩又云上幸承王命專征

指大江出關收漢卒分陝寄周邦又云登壇推大將國士定無雙謂史可法以東閣大學士督師揚

州又云聽律音非吉焚旗火乍紅自注云六月壬午督師標下兵與浙江兵鬪於鎮江西門外焚民居數百家標下兵者先生聖安皇帝本紀所云標下總兵官于永綬等兵也

二年乙酉南都宏光元年三十三歲

五月初九日

王師渡江初十日夜宏光帝出走十五日

王師入南都明亡元譜

春膺楊永言之薦至京口 四月偕從叔父穆庵赴

南京元譜謙案崑新合志穆庵名蘭服字國馨紹芳從子以諸生入太學才名著一時明亡後棄儒

業永歷稱號南中遣使授冠帶辭疾不赴遁跡田野以醫濟人先生餘集有從叔父穆庵府君行狀寓

朝天宮因拜先兵部侍郎公祠

元譜謙案詩集誤編拜祠詩入辛卯年穆

案此年拜祠事有金陵襍詩記得尚書巷一首拜祠足證辛卯年再至金陵而再拜之何云誤也

畢即歸語濂涇八字穆臆補是年貞孝年六十五月朔同

邑歸莊嘉定吳其沆及從叔父穆庵姊子徐履忱持

觴登堂為母壽退而飲至夜半旦日別去

徐譜事見吳同初行

狀乃在五月朔者蓋即生日不受賀之義先生所終身

秉承者也其沆字同初少先生七歲履忱字孚若先生伯姊之子生於崇禎二年時年十七與健庵為再

從兄將復詣闕未旬日而南都陷先生從軍至蘇州

元譜徐譜時大清兵已定江浙大軍駐金陵一軍駐蘇一軍駐杭一軍駐沿海吳松等處有明江南

總兵吳志葵者吏部主事夏允彝門人也頗兵海上又有十將官督屯兵陳湖中與湖旁諸生陸世鑰等

各有眾千餘聞六月十日明兵科給事中陳子龍舉人徐孚遠章簡聞南都不守起兵松江與陳湖兵合

允彝又入志葵軍為之馳書檄聯絡士大夫華亭則總督兵部侍郎沈猶龍下江監軍道荆本徹中書舍

人李待問嘉定則左通政司侯峒曾進士黃淳耀總兵蔣若來崑山則鄭陽撫臺僉都御史王永祚編修

朱天麟吳江則職方吳易總兵王蜚太倉則總兵張士儀宜興則行人盧象觀等互為聲援先生與楊承

言吳其沆歸莊皆佐王永祚軍諸軍謀以松江兵攻杭嘉定太倉兵攻沿海宜興兵趨南京約伏艦江中

獨吳志葵先進向蘇州俟蘇州捷音至剋日同發先

生詩云千里吳封大三州震澤通戈矛連海外文檄動江東即赴吳時事也志葵既薄蘇州參將魯之輿

以三百人先登斬胥門而入大清兵匿騎於學宮俟其退擊之殲焉既而松江破陳子龍走嘉定陷侯

峒曾死先生遂歸而崑山兵起死者四萬人吳其沆

與焉楊永言遁之蘭谿 六月仍歸語濂涇 元譜按先

惟先生與歸莊得脫 云吳中諸縣並起義兵自守而余以母在獨屏居水

鄉不出自六月至於閏月無夜不與陳君露坐水邊

樹下仰視月食遙聞火礮云云是崑邑 閏六月十

守城事先生一不與謀故後得免於難

五日崑山士民閉城拒守 元譜先是五月初七日

紛紛移遁四鄉而張浦菴葭安亭諸村鎮奸民乘機

劫掠縣令楊永言以二十二日盡放獄囚至月杪

中大吏及守令皆先期遁六月初七日豫親王方駐

金陵遣刑部侍郎李延齡巡撫王國寶統兵蒞蘇新

郡守王鎮發安民榜至崑並取圖籍永言棄印潛逃

於泗橋陳宏勳家水利縣丞閻茂才偕邑紳耆老於

初八日起霄門納款十二日院遣郡人周荃來崑安

撫十八日以茂才知縣事閏六月十一日薙髮合下

十三日茂才出示薙髮且親持名刺謁緝紳城中大

譁焚縣治殺茂才十五日貢生陳大任等議推舊

山總兵王佐才為主帥十七日楊永言及陳宏勳等

亦以所募兵數百人入城永言遂為監紀仍知縣事

偕城中紳士裹糧移檄為久守計七月初二日王

師東下越二日縣西真義村兵出迎戰敗績初五日

黎明 王 十六日丙申月食既星流竟夕 元譜見日

師渡濠 如雨注而系以甲申年閏六月 知錄星隕

按甲申無閏當是記憶偶誤耳

明靖虜伯鄭鴻逵戶部主事蘇觀生奉唐王聿鍵如閩

黃道周張冒堂等奉聿鍵稱監國六月丁未即位於福

州改元隆武 元譜 魯王以海亦稱監國於紹興 徐譜

七月初六日巳刻 王師下崑山城 元譜 先生生母何

太孺人被游騎斫右臂折弟子叟子武並遭難子叟

妻朱氏引刀自刺其喉僵臥瓦礫中得免

穆補園集舅母

朱太孺人壽序歲在乙酉王師南下眾議登陲守

禦紛紛挈家避去何夫人曰老嫠婦必死於此子叟

子武兩舅與舅母俱不敢去未幾城破兩舅並遭難

舅母朱夫人知事急引刀刺其喉氣息纔屬僵臥瓦

礫中死者纍纍何夫人守婦尸不去俄游騎過斫何

夫人右臂損折久之朱夫人得甦起覓其姑悲不自

勝手裂舊襦為姑裹纏重傷復自塞其頸相抱置廡

下破屋以免越日扶掖登舟出城外外祖母常稱曰

孝婦孝越九日王師復下常熟貞孝於十四日聞

婦云

變卽絕食至三十日乃終遺命先生勿更出仕

元譜

案先生撰先妣行狀七月乙卯崑山陷癸亥常熟陷

吾母聞之遂不食絕粒者十有五日至己卯晦而吾

母卒八月庚辰朔大斂又明日而兵至矣遺言曰我

雖婦人身受國恩與國俱亡義也汝無為異國臣子

無負世世國恩無忘先祖遺訓則吾可以瞑於地下

穆案元譜九日作二日以行狀乙卯至癸亥推之

知二字誤十四日作二十四日以行

狀癸亥至己卯推之知二字衍也

唐王遙授先生兵部職方司主事元譜九月至嘉定

過吳其沈家

徐譜據同初行狀先生凡三過其居戊子年寄薛案詩云只有延陵心尙挂婿

蘇樹亦謂其沈也

十二月十九日權厝貞孝柩於司馬塋

東徧元譜

是年詩有京口卽事二首

徐譜案是年史可法駐揚州高傑移屯瓜州宏

光命可法諭四鎮厲兵秣馬駐防河淮剋期進師

可法檄諸鎮出兵高傑首奉命渡泗水所部王之

綱前驅薄睢陽可法進次河上先生京口卽事詩

云白羽出揚州黃旗下石頭又云大將臨江日中

原望捷時皆京闕篇一首金陵雜詩四首徐譜先

是年正月事雜詩云重開百五日遙祭十三陵謂是年三月癸

巳遙祭諸陵也又正殿虛椒寢一首蓋謂宏光自

去年命選淑女至此年四月又千里一首元譜各

選於元輝殿規諷之意深矣詩皆五

前作秋山二首表哀詩一首奉先妣奠葬詩一首

是年作軍制論形勢論田功論錢法論

三年丙戌三十四歲

三月唐王督師黃道周舉兵至徽州戰敗被執不屈死

唐王將入贛州鄭芝龍使軍民遮留不得行乃駐於延

平十月明兩江總督丁魁楚廣西巡撫瞿式耜等立桂

王於肇慶府以明年為永曆元年徐譜十一月王師下

建寧延平等府唐王走汀州執而殺之元譜明大學士蘇

觀生又立唐王弟聿錕於廣州改元紹武十二月王

師入廣州殺聿錕徐譜

五月先生祖庶母黃氏卒十月十二日命家人趙

和等遷居元譜木詳將往閩中赴職方之召以母

喪未葬不果行元譜

是年詩有延平使至一首海上四首不去三首穆案

池北偶談有論落日江頭送老鶴萬里心一首

作吳同初行狀

四年丁亥三十五歲

秋至海上 十月十日命家人趙和迎祖庶母黃氏

柩葬於司馬公城外之西偏 元譜 穆案先生荅王山史書先祖有二妾炎

武所逮事其亡 二十日亥時葬貞孝王太安人於賜也葬之域外

塋東仲逢府君之兆 元譜案少司馬葬時用歲丁亥月辛亥日丁亥時辛亥貞孝之

葬于支 二十一日具弔奠禮 十二月二十一日移

悉同 家語濂涇先生廬墓 元譜 送歸莊往吳興 徐譜元恭

覓兄德清教諭繼登骨 哀執友松江陳太僕子龍同

咸正吳縣楊主事廷樞及推官二子天遊天達先後

死難各以詩弔之 元譜子龍字臥子青浦人崇禎丁

職銜與松江提督吳勝兆通謀是年夏勝兆反事泄

逮子龍并逮藏匿子龍之嘉定侯岐曾及同邑顧天

遊天達子龍乘間赴水死岐曾等同被殺於松江咸

正字端木天啟甲子舉人咸安府推官丙戌四月自

關中歸知弟錢塘合咸建舉人咸受先已殉節聞唐

王立於閩草密疏附寄舟山黃斌鄉屬其轉達為邏

卒所獲以告提督吳勝兆勝兆祕之及是年六月勝

北反密疏遂發逮至金陵為洪承疇所殺後二子之

死僅一月廷樞字維斗崇禎庚午南京解元福王時

是年詩有贈顧推官一首

徐譜案張秉貞之挾蹤王出降顧成建棄官去

追及之於吳江閏六月朔殺之詩中果卿血云云蓋述此事又先生之從軍於吳咸正必同行故有句吳古下國難與秦風齊之句其後哭咸正詩曰及乎上郡還始結同盟契崎嶇戎馬間周旋止一歲所謂崎嶇周旋者即指從軍耳

大漢行義士行秦皇行各一首

墟里一首塞下曲二首海上行一首

徐譜詩云大海天之東其

處有黃金之宮上界帝子居其中又云或言有巨魚身如十洲長幾化為龍不可當一旦失水愁旁皇蓋謂魯王之入海徒以海水為金湯舟楫為宮殿終於淪亡也又云但見鯨魚出沒鑿齒磨牙先生知鄭芝龍之負恩喪國其子成功始則附閩繼則附粵終不為魯王用而舟山非可以圖存故又云東浮大海難復難不如歸去持漁竿以明決不宜往之意神道表以為幾豫吳勝兆之禍欲赴海

上道梗不前者似未知先生之意也穆案據元譜則先生實曾至海上謝山云道梗不前仍非實錄但詩編於塞下曲後塞下曲云即今三月鶯花滿此詩當作于春末夏初時尚未赴海上耳明年戊子將遠行詩云去秋關東溟尤實至海上之顯證

哭楊主事一首推官二

元譜為孫之獬作也之獬

子被執一首淄川行一首

士媚奄得官侍講名在逆案中入國朝為禮部侍郎順治二年六月升兵部尚書總督軍務招撫

江西後乞歸里中是年九月土賊丁可澤句引叛賊謝遷等陷淄川擒之獬支解死結云取汝一頭謝元元當由之

解嬰眾怒耳

哭顧推官一首

於侍郎公墓左一首墓後結廬三楹一首精衛一

首吳興行一首

作王時沐墓志

五年戊子三十六歲

秋至湖上

元譜今年泛五湖偶來詩云偶來湖上已三秋

徐譜案將遠行詩云去秋闕東溟

蓋自秋迄冬泛五湖也

冬抵京口

是年語濂涇家中又被

劫

元譜

是年詩有越鳥巢南枝一首江介多悲風一首擬

唐人五言八韻六首

穆案六詩皆非泛擬乞師悲往事也擊筑投筆明素志也

渡瀘聞雞以不忘恢復望諸公也歸里則知時之不可為而倦飛思還也云擬唐人者曾膺唐王之詔受其冠帶也

常熟縣耿侯水利書一首

元譜謙案常昭合志耿橋字蘭

錫獻縣進士萬歷三十二年以調繁至講求水利東浚橫浦橫溪李墓鹽鍊塘北浚福山塘西浚奚浦三丈浦凡土田高低宜蓄宜泄尺寸不遺而其開濬之法區畫周至約束嚴明具載所著水利全書其立說以水利用湖不用江尤不易之論

穆案耿侯水利書郡國利病書采之頗備

偶來

一首涪溪碑歌一首辭開封案一首

元譜謙案略見人心錄辭

名宋亂後歸釋謂去冠故去山去髮故去人因姓米氏自號米堆山

將遠行一首京

口一首

六年己丑三十七歲

春登靈巖山 清明封墓樹 秋至吳江過八尺

納妾韓氏元譜

是年詩有石射棚山一首先生自注吳郡志靈巖山在城西三十里一名

石射棚山春半一首元譜中有云洪州七月圍糧盡力亦彈指江西金聲桓事聲桓以去

年戊子七月據南昌叛是年正月為官兵所破聲桓中二矢投水死仍磔屍示眾 懷人一首

首秋鷹一首八尺一首尺一節然此八尺孤帆一

葉舟云云八尺二字似非地名所未詳也 桃花溪歌贈陳處士梅一首

穆案梅字鼎和餘集 瞿公子元錫將往桂林不得

有常熟陳君墓志 達而歸一首元譜元錫常熟人父式紹為廣西巡撫南都陷與丁魁楚等立永明王由

柳於梧州式紹為文淵閣大學士畱守桂林 王師破桂林與總督張同儼俱被難

七年庚寅三十八歲

正月五日韓氏生子林元名之曰詒穀元譜謙案崑山張元賡著

危言謂先生無子 蓋天奄也殊延 時怨家有欲傾陷之者乃變衣

冠偽作商賈游金壇登顧龍山元譜山在縣南五里 再至鎮江

登北園樓已復往嘉興

是年詩有顧龍山高皇帝題詞一首元譜元末丁酉十一月明

太祖駐蹕此山題詞云望東南隱隱神壇獨跨征車信步登山煙寺迂迂雲林鬱鬱風竹珊珊塵不染

他日偷閒花鳥娛情山水相關 重至京口一首

榜人曲二首流轉一首秀州一首

徐譜案流轉詩云云蓋先生自

乙酉以後展轉江浙之境於今五年至此乃欲北至中原故鈔書自序云炎武之游四方十有八年亦以此年為始也 穆案秀州詩云將從馬伏波田牧邊郡北蓋至此而北游之志決矣

八年辛卯三十九歲

至金陵初謁孝陵

元譜 拜侍郎公祠 穆案此句元譜本有車君刪去非也

辯見乙酉下

八月十四日至淮安與山陽王起田略徐

州萬年少壽祺定交

元譜文集有王起田墓志壽祺字年少崇禎庚午舉人工詩文

書畫又工寫美人他若琴棋刀劍百工技藝細而女紅刺繡粗而革工縫紉無不通曉風流豪宕傾動一時滄桑後罷公車僧冠僧服自名明志道人沙門慧壽痛飲食肉如故邵徐之亂移家公路浦著有際西

堂集 抵清江浦 元譜

是年詩有恭謁孝陵一首

穆案郡國利病書孝陵在南都外城內鍾山之

陽懿文陵附於其側

拜先曾王父木主於朝天宮後祠中一

首贈萬舉人壽祺一首淮東一首

元譜為劉澤清作也澤清為福

王時四鎮之一開府淮東頗事聲色順治二年五月福王出走七月澤清率所部納降又三年戊子陰與曹縣叛寇通許以內應遂作亂陷曹縣十月英親王討平之詰其由知出澤清乃族誅之詩中云地下逢黃侯謂靖國公黃得功也得功先於贈乙酉六月王師據江口時迎戰中流矢死

人一首

九年壬辰四十歲

入郡城奠姊婿陳皇士之父文莊公祠元譜文莊名仁錫字明卿

號芝臺天啟壬戌探花南京國子監祭酒福王時贈詹事諡文莊宏光元年子濟生濟楨奉詔建祠於臥

龍街關廟之右濟生字皇士以陰歷官至太僕寺丞

又命工傳寫明三百年來忠臣義士像褒以為辨可稱好事矣

至吳縣之橫山展拜

遠祖黃門公墓元譜墓在橫山東越來溪上盧襄石湖志云墓上有一巨石橫臥可二丈

許石上古松如蓋湖上望見之即遇路舍人澤溥於

知為野王墓也先生時尙如故

虎邱元譜舍人時攜家奉母寄居湖上徐譜按先生去歲贈萬壽祺詩云會待淮水平清秋發吳

榜又贈人詩云路旁多行人一南一北行而先生仍南歸吳

手去去焉所極蓋所送之人北行而先生仍南歸吳

故拜黃門墓而路澤溥詩亦云相逢金閨西也

案先生有送書小帖云路安御名澤溥曲周人故

督昨月公之長子又廣師篇云險阻備嘗

與時屈伸吾不如路安卿注互見詩下

自唐市仍

返千墩 至清江浦渡河抵王家營 是年六月弟

子嚴得子洪慎元譜作十九日謙案崑新合志洪慎字汝嘉試成均得州倅以親老亂歸

從父炎武卒於管走三千里扶櫬葬祖塋承遺命以

子宏佐為炎武殤子詒穀後性愛客就所居西偏疏

泉壘石與故人嘯詠以終穆案據衍生元譜先生卒

於曲沃從弟嚴自崑山來偕衍生扶柩歸不云洪慎

也衍生又云以遺書致之立齋兩表見及汝嘉從叔

兄則洪慎時在都中未嘗至晉甚明當是志誤

父穆庵得子巖元譜崑新合志巖字大雲好學工詩少游太學嘗作落花詩百首傳誦

下 先生有世僕陸恩叛投里豪葉方恆元譜方恆字喟初崇禎

禎壬午舉人順治戊戌進士官至山東濟寧道僉事

穆案順治戊戌進士履歷便覽葉方恆字敬默父

重華戊辰進士太常少卿望雲樓刻歸元恭與  
葉嶠初手札陸恩作陸欽後刻集仍改作陸恩

案鈔書自序年四十斐然欲有所作徐譜

是年詩有同族兄存愉拜黃門公墓一首贈路舍

人澤溥一首元譜澤溥父振飛字見自天啟乙丑

御史總督漕運巡撫淮揚北都陷福王立於南京

河南副使呂弼周為闖賊節度使來代振飛擊未

進士涇陽武愷為賊防禦使招撫徐沛振飛擊擒

二人竿弼周於法場命軍士人射三矢乃解縶之

縛愷徇諸市鞭八十檻車獻諸南朝伏誅故詩中

云愷獻行朝逆黨皆戰慄又云天子呼恩官于

戈對王使者唐王聿鍵曾以罪錮守陵中官虐之

振飛上疏槩寬罪宗得釋乙酉南京破聿鍵自立

於福州趣召振飛制書有朕有守困恩官路振飛

云云既至拜太子太保吏部尚書兼文淵閣大學

士官一子職方員外郎又錄守淮功蔭錦衣世千

戶順治三年王師攻克仙霞關聿鍵走汀州振

飛追赴不及汀州破走居海島明年將赴永

明王乃以悲憤成疾而卒粵中賜諡文貞

浦二首丈夫一首王家營一首傳聞三首元譜是

王在肇慶李定國攻陷廣西王遣使召定國人

衛蓋王為其下孫可望所制問關奔竄故也

為常熟楊子彝作祠堂記元譜謙案汪琬楊顧兩

乙為文者喜倡新說畔違傳注彝與太倉顧夢麟

力明先儒之說天下翕然從風稱楊顧學以歲貢

為松江訓導作興人材甚廣居五載擢知都昌縣

以道阻弗克赴任明亡遂不出晚歲目盲猶令人

讀書其側為諸生講說

無少倦年七十九卒

十年癸巳年四十一歲

三月魯王去監國號不知所終徐譜

春至金陵二月再謁孝陵並謁太祖御容於靈谷寺

元譜謙案靈谷寺梁天監十三年為寶誌公建塔於鍾山玩珠峯前名開善精舍後為開善寺宋改名太平興國寺後名蔣山寺明初改寺於舊基之東五里而舊基遂為孝陵太祖帝后御容今攝山優曇庵中亦有墓本不知即十月三謁孝陵并作圖 詒穀殤

更納戴氏元譜謙案歸元恭集戲贈先生納姬詩云同心初結在秦淮孤寄清江音問乖離異

九秋婕妤怨已如一月太常齋占熊從此歡無既弋鴈何妨老自偕不待王郎去迎接西風今送入君懷白注謂甯人於金陵納姬置之清江浦至是姬得南歸云云今則不辨所納何氏以時事案之或是戴也松案先生去年自王家營仍歸洞庭山是年有路舍

人家詩路居於洞庭東山也由洞庭山至江寧復自

江寧歸吳贈楊永言詩序云今復來吳下感舊有贈

又贈郝將軍詩序云今為醫於吳之上津橋言及舊

事感而有贈贈劉教諭詩亦云栖遲十載五湖湄皆

在吳之蹟也徐譜 穆案此段可補元譜二月後至九月之闕

是年詩有路舍人家見東武四先歷一首元譜舍人父文

貞公在闕時特請製新歷再謁孝陵一首恭謁高皇帝御容一

首贈朱監紀四輔一首監紀示游粵詩一首贈鄔

處士繼思一首徐譜先生此數年中往來無定而金陵揚州市井皆屢至故贈鄔繼

思詩云年年尋杜甫一過浣花  
溪鄔賣藥揚州市先生頻過之  
昔有一首楊明府

永言復來吳下一首送歸高士之淮上一首贈劉

教諭永錫一首元譜案永錫字欽爾號膺庵魏縣人崇禎丙子舉人癸未謁選長洲

教諭邑令遂寧李實廉知其貧欲煩以吏事謝不

應已署上海令事與妻子日食蔬粥居三月還長

洲乙酉之變率妻栗氏及童僕二十餘人隱居柵

城大吏遣人說之永錫拔劍欲自裁乃止謂其妻

曰彼再至我與若立自決矣皆裂尺帛握之會海

上兵起乃罷永錫有女許字未嫁亂後恐詒父母

憂絕粒而死其母哭之成疾亦死後大水乏食家

童相繼死埋骨道旁永錫遣子臨與婦歸魏臨既

歸思父不置假貨得百金欲馳以獻父星夜南下

馬驚墮地被傷死初永錫長八九尺容貌甚偉至

是毀形骨立見者哀之久之成疾漸劇一夕大呼

烈皇帝者三遂卒時甲午秋也同時有齊丈人者

撫其喪葬於閭門外半塘以妻女耐之穆案靜

志居詩話永錫有洹水遺詩又曰洹水至性之士

兵後隱居相城有大吏強之任祖禡疾視曰我中

原男子年二十渡漳河登大徑躍馬鳴鞘兩河豪

傑誰不知我欲見辱邪取壁上所挂劍欲自到門

下士抱持之得解既而女妻相繼餓死子為盜所

傷亦死久之洹水歿其弟子徐晟陳贈郝將軍太

三島等經紀其喪葬之虎邱山塘

極一首孝陵圖一首十廟一首元譜謙案洪武二

山又增功臣廟祀徐達以下二十一人

為十一後又增四廟今已半就圯廢

顧亭林先生年譜卷一

譚瑩玉生覆校

